

Ni 'velo neuze, Jesus hag ar Verc'hez,
Ac en dro dezo, ar Sænt ac an Ælez,
Beuzet en eur mor a blijadurezou
Ac a zelissou.

Gloar d'an Drindet sac' : Tad, Mab ha Speret Glân
Ne reont, a vicoaz, ho zri, nemet unan,
A c'houarn ar bed, ac a ren en Envou
Hed ar c'hanvejou.

AMEN.

V. Pedit evidomp sant Martin.

R. Evit ma vezimp rentet dign eus a bromessaou
Jesus-Christ.

CRESON — Doue, c'hui ac a vel ne ellomp, e guis
ebet, en em souten dre on nerz on unan, accordit
deomp, en ho trugarez, ma vezimp dre intercession ho
servicher sant Martin, Confesseur ac Escop, kennerset
eneb kement tra a ello stourm ouzomp er bed-ma. Bre
on Autrou Jesus-Christ, etc.

Quimper, 26 Octobre 1892.

IMPRIMATUR :


E. FLEITER,

VIC. CAP.

Morlaix, imp. LANOË.

BN2-2-068

Morlaix



CANTIC

EN ENOR DA

SANT MARTIN

Escop Tours

Patron parrez Sant Martin-Montroulez

Var ton ar : *Pange solemnes*
pe unan eus toniou an : *Iste confessor.*

Celebromp hirio gant laouenediguez
Triumph sant Martin, patron bras or parrez,
Curunet a c'hloar e palez eternal
An Drindet santel.

Piou a lavaro buez ha vertusioù
Or patron caret, ha pebez buzardou
A reas gueichall, dre zaouarn san Martin,
On Salver divin.

D'an oad a zec vloaz, bras meurbed oa ar c'hoant
En doa da receo dour sac' ar vadisiant,
Rac ganet e oa eus a guerent paien,
Stard er fals creden.

Truezus meurbed en andret ar beorien,
C'hoas sonda'rd iaouane, aroc beza christen,
E troc'h he van'el evit golo diou' scoaz
Eur paour kez en noaz.

Eur veich badezet, sant Martin a lavar
Kenavo d'ar bed, d'he vadou ha d'he c'hloar,
Ha divar neuze, da seuer e kemeras
Jesus gant he groas.

Douss evel eun oan, chast, humbl ha patient,
Carguet, a ent all, ha furnez, a skiant,
E tennas varna, betec er solitud,
Daoulagat an dud.

Choazet da Escop, e savas eur gouënt,
Ha gant ar venac'h (edont pevar ugent),
Ec'h en em roaz, eno, corf hag enc
Da servij Doue.

Noz-deiz he pede ac e rē pinijen,
E seuille daëlou evit ar bec'herrien,
Ac e tiskenne tan ar gontrition
Var selass ho c'halon.

Ac a eneou da Zoue gounezet !
Ac ar glanvourien ganta bet pareet !
Eus pep corn a Frans e teue hon tud coz
Da g'asc he vennoz.

Galloud en devoa var ar maro, soken,
Ha betec teir gueich, eus he c'hrabanou ien,
Ar Sant, o pedi caloneg ha gant feiz,
A dennas he freiz.

Nan, nac en or bro, nac e bro all ebet.
N'eus ket bet eur sant muioc'h anavezet,
Ini n'en deus gret kement a vurzudou
Ac a viraclou.

En a gonsacras, dre urs Cador sant Per,
An Escop ken mad, sant Corentin Quemper,
Ho daou oant kerent, ho daou par d'an Ælez
Dre ho santelez,

Pa glanvas ar Sant, he eskibien caret :
« Tad ker, emezo, o ! n'on dilezet ket,
« Guelit ho sailla dija var ho terved
« Bleizi counaret. »

Ac en da Zoue a rē ar beden-ma :
« M'ar d'on necesser d'ho pobl, c'hoaz emeza,
« Me 'labouro c'hoaz, ma roit d'in buez,
« Grit ho polontez. »

O ! den burzudus, d'al labour trec'h ato,
Eb galloud beza trec'het gant ar maro,
Caout aon da vervel n'ouie ket petra oa,
Na refus beva.

Ractal ma varvas, mouesiou melodius
A ganas en ær cantikou dudius ;
An Ælez santel a oa deut da guerc'had
Ene caer on tad.

O ! patron santel, sant Martin benniguet,
Tad carantezuz, er bed oll ken brudet,
C'houi a zo brema en tu deo da Jesus,
Var eun tron skedus.

Ah ! taulit varnomp eur sell a drugarez,
Varnomp, bugale sant Martin, ho parrez,
Grit ma tiskenne glizen douss an Envou
Var on c'halonou.

Pedit, sant Martin, pedit evit ar Frans,
Obtenit dezi sicour ac assistans,
Ma c'hello, erfin, trec'hi enebourien,
Feiz ar bobl christen.

Da Iliz Doue, tud fall a ra brezel,
O ! pedit Jesus da rei ners d'he Vikel,
Ha d'asten bepred he vrec'h oll-galloudec
Var Leon trizec.

Grit ma zaimp, eun deiz, oll gance'h da repos,
Da velet Doue e gloar ar Baradoz,
Elec'h ma cavimp, gant ar guir evrusted,
Peb seurt joaiusted.